

rosivi confecto. Retorta receptaculo suo instructa exceptam urgebis igne arenæ, donec in Cinnabarim evehatur, quæ collo adhærens detrahatur; ex aqua elue; tum nova sublimatione rectificata servabitur.

Cinnabaris factitia.

Rx. Florum Sulphuris, semi libram.

Liquefiant in patella terrea super carbonibus. Statim adde

Mercurii ex corio depluentis, libras duas.

Agita perpetuo spatha ferrea, donec ambo coëant, & mercurius penitus fiat inconspicuus. Massam hanc pulveratam in mortario vitreo, sublima in vase idoneo, igne aperto per gradus aucto. Sublimationem semel & iterum repete.

MAGISTERIA.

Magisterium sulphuris.

Rx. Florum Sulphuris, uncias quatuor.

Salis Tartari, uncias duodecim.

Mixta, inde fistili vitrato. Affunde

Aquæ puræ, libras octo.

Vasē cooperto bulliant, donec liquor rubescat. Solutionem filtra. Instilla acerum distillatum, & fiat LAC SULPHURIS. Stet, præceps agerur pulvis albus, liquorem limpidum decanta. Magisterium hinc emergens aqua pura multoties elue, & in umbra exsicca.

Sulphur auratum antimonii.

Rx. Scorias Reguli Antimonii.

Coque in aqua uberrima per semihoram. Filtra. Colaturæ instilla acetum, & præcipitabitur Sulphur Auratum, quod pluries abluendum est.

Mercurius præcipitatus albus.

Rx. Mercurii e Cinnabari redivivi, uncias quatuor.
Spiritus Nitri, uncias sex vel sufficientem quantitatem.

Mercurium mitte in matrarium. Affunde Spiritum Nitri. Absoluta dissolutione.

Rx. Aquæ communis, libram unam.
Salis marini, uncias duas.

Filtra; Affunde dissolutioni Mercurii, fiet præcipitatio, cui, ut absolvatur adde
Aquæ communis, libram unam.

Præcipitato Mercurio in pulverem album, liquorem decanta, repetitis ex aqua pura lotionibus pulverem edulca, in umbra siccandum.

Simili modo paratur Magisterium Bismuthi.

Præcipitatus ruber.

Rx. Mercurii e Cinnabari redivivi, libram unam.
Spiritus Nitri, uncias octodecim vel quantitatem sufficientem.

Mitte in matrarium. Arenæ tepenti impone. Dissolutione peracta, fiat evaporatio ad siccitatem. Carbonibus vivis materiam calcina ad rubedinem intensam. Exime & serva.

Arcanum corallinum.

Rx. Mercurii præcipitati rubri, quantum vis.

Calcina in matrario per aliquot horas, dum matrarium excandescat. Remove ab igne. Materiæ pulveratæ affunde Spiritum vini rectificatum ad eminentiam transversii digiti. Accende. Quodquidem

sæpius repete, ita ut singulis vicibus Spiritus vini ad siccitatem deflagret.

Mercurius præcipitatus flavus, seu Turpethum minerale.

R̄. Mercurii e Cinnabari redivivi, } ana uncias
Olei Vitrioli rectificari, } duas.

Mercurium mitte in retortam. Affunde Oleum Vitrioli. Vas impone igni arenæ, dum bulliat liquor; peracta dissolutione vaporet ad siccitatem, aucto igne. Materiam exemptam tere in mortario vitreo, tritam conjice in aquam calentem. Præcipitatum pulverem flavum aquæ lotionibus repetitis edulca, sicca & serva.

Mercurius præcipitatus viridis.

R̄. Mercurii e Cinnabari redivivi, uncias duas.
Cupri limaturæ, semi unciam.

Seorsim dissolvè in Aquæ fortis, quantitate sufficienti.

Dissolutionibus mixtis, vaporando, abstrahè Aquam fortem. Igne aucto materiam calcina. Exemptam & pulveratam in Aceto distillato digere igne arenæ per unum & alterum diem. Ultimo bulliat Acetum per unam circiter horam. Filtra. Materiæ supestiti novum Acetum distillatum adde. Digere ut supra, & filtra. Liquores filtrati mixti vaporent ad *Mellaginis* consistentiam, quæ refrigerando indurata, in vase vitreo clausa servabitur.

Mercurius præcipitatus per se.

R̄. Mercurii e Cinnabari redivivi, quantum vis.

Depone pluribus in ampullis fundo planis, ea quantitate ut uniuscujusque ampullæ fundus tantummodo obtegatur. Ex arena digere, igne sensim per

gradus aucto, per mensem & ultra, dum veluti bulliat, & pulverem subrubrum obtinueris. In Mercurium superstitem, superiorem processum repete, donec omnis Mercurius in pulverem rubicundum abierit.

Pulvis algaroth, seu mercurius vitæ.

R. Butyri Antimonii rectificati, quantum vis.

Affunde

Aquæ tepentis, quantitatem sufficientem.

Præcipitabitur Pulvis albus, qui improprie Mercurius vitæ dicitur, aqua pluries edulcandus, tum siccandus.

Nota. Aqua primo ad præcipationem adhibita, si seorsim fervetur, vulgo SPIRITUS VITRIOLI PHILOSOPHICUS dicitur.

Magisterium & sal coralliorum.

Vide SAL ET MAGISTERIUM CORALLIORUM, pag. 233.

Resina jalappæ.

R. Jalappæ contrusæ, libram unam.

Spiritus vini rectificati, libras tres.

Digere ex arena per viginti quatuor horas. Filtra. Superstiti materiæ novum affunde Spiritum vini. Digere ut supra. Filtra. Repete, donec nullo colore tinctus Spiritus vini extrahatur. Tincturæ misceantur. Vaporant ad medias. Deinde in aquam frigidam projiciantur. Lactescet mixtura, & præcipitatur Magisterium. Liquorem decanta. Magisterium aqua ablue multoties. Exsicca & serva.

Simili modo parantur Resinæ Agarici,

Colocinthidos,

Scammonii,

Guayaci,

Ligni Aloes,

Turpe-

Simili modo parantur

Turpethi, Zedoariæ,
Mechoacan, Ladani, &c.

R E G U L I.

Regulus antimonii.

℞. Antimonii crudi, libram unam.

Tartari crudi, uncias quodecim.

Nitri puri, uncias sex.

Seorsim & tenuissime trita, mixtaque in crucibulum candens cochlearim injice, singulis vicibus detronent cooperto crucibulo. Omni detonatione peracta augeatur ignis, donec fluida fiat materia. Hanc fluentem in conum ferreum calefactum illitumque sebo effunde. Concute conum. Solidescet materia. Regulum exime a scoriis separandum ictu mallei.

Regulus antimonii martialis.

℞. Apicum clavorum ferreorum, uncias octo.

Antimonii Hungarici pulverati, libram unam.

Clavi candescant in crucibulo, Antimonium mitte in crucibulum. Liquefiant. Projice paulatim in fusam massam Nitri uncias tres

Ad fusionem perficiendam. Tum in conum sebo illitum & calefactum materiam effunde. A Scoriis Regulum separa. Teratur. Liqueatur additis

Nitri, unciis tribus.

Antimonii pulverati, unciis duabus.

Id quod semel & iterum repete, omisso Antimonio.

Regulus jovis.

℞. Stanni Anglicani optimi, uncias tres.

Q